



Broj: 07-45-764-1/26
Sarajevo, 25.02.2026. god.

Na osnovu člana 20. Zakona o državnoj službi u Kantonu Sarajevo ("Službene novine Kantona Sarajevo", broj: 31/16 i 45/19), člana 8. Zakona o javnim nabavkama („Službeni glasnik Bosne i Hercegovine“, br. 39/14, 59/22 i 50/24), Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23), tačke 2.36 Plana javnih nabavki Zavoda za planiranje razvoja Kantona Sarajevo za 2026. godinu, broj: 07-45-392/26 od 28.01.2026. godine, direktor Zavoda za planiranje razvoja Kantona Sarajevo donio je

O D L U K U

**o pokretanju postupka javne nabavke „Usluge stručnog osposobljavanja“ za 2026. godinu
putem Javnog poziva za nabavku društvenih i drugih posebnih usluga**

**Usluge iz Aneksa II Zakona o javnim nabavkama
JRJN: 80000000-4 (Usluge obrazovanja i osposobljavanja)**

Član 1.

Odobravam da se, u svrhu obezbjeđenja potrebne i obavezne edukacije zaposlenika Zavoda za planiranje razvoja Kantona Sarajevo, pokrene postupak nabavke usluga stručnog osposobljavanja za 2026. godinu, i to iz sljedećih oblasti: prava, ekonomije, arhitekture, građevinarstva, informatike i drugih oblasti iz djelokruga rada Zavoda.

- CPV kod 80000000-4 (Usluge obrazovanja i osposobljavanja)
- Procijenjena vrijednost javnih nabavki bez PDV-a (17%) cca 6.000,00 KM.
- Plaćanje će se izvršiti sa stavke: Ekonomski kod 613900, Budžet Zavoda za planiranje razvoja Kantona Sarajevo za 2026. godinu.

Član 2.

Javna nabavka je planirana pod tačkom 2.36 Plana javnih nabavki Zavoda za planiranje razvoja Kantona Sarajevo za 2026. godinu, broj: 07-45-392/26 od 28.01.2026. godine, a provest će se po procedurama Zakona o javnim nabavkama („Službeni glasnik Bosne i Hercegovine“, br. 39/14, 59/22 i 50/24), te Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23).

Član 3.

Ova Odluka stupa na snagu danom donošenja.

Obrazloženje

Zbog obaveze kontinuiranog stručnog usavršavanja zaposlenika Zavoda za planiranje razvoja Kantona Sarajevo, shodno Pravilniku o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23), objavit će se Javni poziv za dostavu ponuda koji će važiti u 2026. godini.

Predmetna nabavka je sastavni dio Plana nabavki za 2026. godinu.

Na osnovu člana 25. stav (1) tačka e) Zakona o državnoj službi u Kantonu Sarajevo ("Službene novine KS", broj: 31/16 i 45/19), utvrđeno je da državni službenici imaju pravo na pomoć u stručnom obrazovanju i usavršavanju, a u cilju kontinuiranog praćenja svih noviteta u različitim oblastima poslovanja putem obuke i na druge načine u skladu sa potrebama i planom utvrđenim od strane organa državne službe.

Shodno članu 3. Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“, broj: 27/19, 29/19, 48/19, 13/20), Zavod je, kao ugovorni organ, dužan omogućiti kontinuirano obučavanje iz oblasti javnih nabavki za svoje uposlenike koji obavljaju poslove javnih nabavki.

Ponudaci koji dostavljaju ponude i pozive za obrazovanje i stručno usavršavanje u vidu seminara i drugih edukacija, moraju biti ovlašteni za rad, te raspolagati stručnim kadrom koji će vršiti edukaciju i stručno usavršavanje državnih službenika u određenim oblastima.

Pozivi za pružanje navedenih usluga će se smatrati ponudama ponuđača (kao što je organizovanje seminara i svih drugih vidova obuka po određenim temama).

Zavod za planiranje razvoja Kantona Sarajevo će, na osnovu dostavljenog poziva, vršiti analizu tema i sadržaja edukacije, te ukoliko se opredijeli za iste, dostavit će pismene prijave na edukaciju jednog ili više državnih službenika.

Obrazovanje i stručno usavršavanje se odnosi na edukaciju zaposlenika Zavoda po raznim temama bitnim za vršenje poslova iz djelokruga rada Zavoda, a po ukazanoj potrebi.

Ispostavljena originalna faktura od strane pružaoca usluge, nakon pružene usluge, a na osnovu zahtjeva/narudžbe Zavoda, će se smatrati zaključenim ugovorom, a što je u skladu sa članom 4. stav (2) Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23).

Služba za pravne i računovodstvene poslove će fotokopije faktura dostavljati Službi za javne nabavke, radi objave istih na Portal javnih nabavki Bosne i Hercegovine („sistem e-Nabavke“).

Iz navedenih razloga donosi se odluka kao u dispozitivu.



Faruk [redacted] [redacted], Mr. dipl. ing. arh.

Dostavljeno:

- Služba za javne nabavke,
- Služba za pravne i računovodstvene poslove,
- Arhiva.